

建寧府志

康熙三拾貳年增刻

各上憲鑒定

建寧府志

本府藏

重修建寧府志序

國家重熙累洽薄海內外罔
不臣服幅幘之廣超越前
代

建寧府志序一

皇上稽古右文

詔天下郡國各修志乘宣付
史館彙成一統志業已□
曹珥筆旦晚竣事矣而建

寧府志迄今未有成書予
奉

命來守是邦觀風問俗之暇
進諸大夫國人諮詢之蓋

建寧府志序二

舊志之修乃前明萬曆壬
子距今八十餘年矣中間
郡司馬程君應熊雅意修
葺稿垂成以遷秩去曩者

通志之役

臺檄催督如風雨前守劉
君芳標不得已以鈔本應
自是凡有所需皆傭工繕

建寧府志序三

寫資費煩苦而魯魚亥豕
識者病之竊意建州七閩
上游當江浙要衝山川清
淑南宋之世名儒輩出稱

海濱鄒魯數百年來名公
卿先後繼起所稱文獻之
邦也乃郡志因循殘缺何
以副

建寧府志序四

聖天子一統車書之盛爰是禮
聘紳士延問耆老舉前鈔
本損益而折衷之芟其蕪
蔓訂其舛訛補其缺畧閱

歲而始成余于是嘆修志
之難也蓋郡邑之有志猶
國之有史作史家刪繁就
簡酌爲統志非具才識學

建寧府志序五

三長固未易語此然所執
者諸道之成編所憑者已
定之聞見用力少而成功
多故足傳也若夫志則非

可易易矣前人勦之後人
因之或一人主之數十人
商定之其勢不能無同異
則創始難甌越僻處海徼

建寧府志序六

洵罹兵火雖山川不改城
邑如故然土田不能無荒
闢也戶口不能無消長也
賦役不能無盈縮營建祠

祀不能無廢興也則蒐考
難一時之官師人物是非
未定予奪未明或其人近
在耳目之間褒譏去留不

建寧府志序七

能無瞻徇則持議更難于
此而欲折衷損益勒成信
史即使龍門操觚班范載
筆亦非可苟焉從事也然

則志誠難而建之爲志不
尤有難焉者哉今志之成
也諸君子虛懷相勉詢謀
僉同蓋其慎矣一編之中

建寧府志序八

土田皆已墾治戶口皆已
殷繁賦役皆已釐正營建
祠祀皆已修舉職官之賢
否以輿誦爲衡先達之純

疵以鄉評爲定卽節烈隱
逸不敢忽焉事求其覈議
取其公詞尙其馴雅雖不
敢妄希信史然而增華踵

建寧府志序九

美仰副

聖朝一統車書之盛自今其
無愧矣乎予旣幸建之有
志從此當垂不朽而又歎

時近百年人易數手口之
又久至予而始竣其事非
偶然也因紀其實于此俾
後之人知所考焉嗚呼難

建寧府志序十

矣是役也鄉先生司理謝
君銓爲祭酒而豫章鄒君
山耆逸徐君謙佐之分纂
則孝廉潘君金卣陸君登

選余君志鞏校正則明經
朱君士燿太學謝君超宗
而肇其始者郡博蔡君登
龍董其成者甌令鄧君其

建寧府志序十一

文也共勦厥事者建安令
李君和雨建陽令劉君鴻
誥崇安令楊君雲鷗浦城
令金君耀松溪令沈君煥

政和令李君仙品壽寧令
呂君方高皆與有助焉例
得并書

岺

建寧府志序十二

康熙癸酉仲秋上浣之吉
賜進士中憲大夫知建寧府
事潁川張琦撰并書

